

Na osnovu članka 19. alineja 8. Poslovnika Skupštine Brčko Distrikta Bosne i Hercegovine, "Službeni glasnik Brčko Distrikta BiH", broj 1/00, donosim

**O D L U K U**  
**O PROGLAŠENJU ZAKONA O FINACIJSKOM POSLOVANJU BRČKO DISTRIKTA**  
**BOSNE I HERCEGOVINE**

**I**

Proglašavam Zakon o finansijskom poslovanju Brčko Distrikta Bosne i Hercegovine, koji je usvojila Skupština Brčko Distrikta na 20-oj sjednici održanoj 30. travnja 2001. godine.

**II**

Ovu odluku objaviti u "Službenom glasniku Brčko Distrikta Bosne i Hercegovine".

Broj: 02-42/01  
Brčko, 30. travanj 2001. god.

PREDSJEDNIK  
SKUPŠTINE BRČKO DISTRIKTA

**Mirsad Đapo, dipl. pravnik v.r.**

---

U skladu sa člankom 23 Statuta Brčko Distrikta Bosne i Hercegovine, Skupština Brčko Distrikta Bosne i Hercegovine na 20-oj sjednici održanoj 30.travnja 2001.godine, usvaja,

**ZAKON O FINACIJSKOM POSLOVANJU BRČKO DISTRIKTA BOSNE I**  
**HERCEGOVINE**

**I OSNOVNE ODREDBE**

**Članak 1**

Ovim zakonom uređuje se finansijsko poslovanje pravnih osoba sa sjedištem u Brčko Distriktu Bosne i Hercegovine (u daljem tekstu „Distrikt,„) koja obavljaju djelatnosti utvrđene propisima o standardnoj klasifikaciji djelatnosti.

**Članak 2**

Financijsko poslovanje, u smislu ovog zakona čini:

1. financiranje poslovanja,
2. plaćanja i održavanje solventnosti.

## **II FINANCIRANJE POSLOVANJA**

### **Članak 3**

- (1) Pravna osoba stiče i pribavlja finansijska sredstva:
1. ulaganjem sredstava osnivača u vidu osnovne glavnice nominalnog kapitala i rezervi;
  2. emitovanjem i prodajom hartija od vrijednosti u skladu sa propisima;
  3. iz rezultata poslovanja;
  4. od domaćih i stranih ulagača ;
  5. na osnovu zajmova;
  6. namjenskim dotacijama;
  7. na druge načine u skladu s propisima.
- (2) Sticanje i pribavljanje finansijskih sredstava iz stavka 1 ovog članka vrši se u skladu sa odgovarajućim zakonima.

### **Članak 4**

Obaveze se smatraju dugoročnim ako im je rok dospjeća duži od jedne godine, a kratkoročnim ako im je rok dospjeća do jedne godine.

## **III PLAĆANJA I ODRŽAVANJE SOLVENTNOSTI**

### **Članak 5**

Pravna osoba je dužno da obavlja finansijski promet u gotovini odnosno preko računa kod ovlaštenih organizacija za obavljanje platnog prometa (u daljem tekstu: ovlaštena organizacija), u skladu sa Zakonom o platnim transakcijama Brčko Distrikta Bosne i Hercegovine.

### **Članak 6**

- (1) Pravna osoba je dužno da izmiruje obaveze u ugovorenom odnosno propisanom roku, preko svojih računa, nalogima za prenos i drugim instrumentima plaćanja, uključujući gotovinu, u skladu sa zakonom i drugim propisima.
- (2) Pravna osoba mogu plaćati međusobne obaveze prenosom hartija od vrijednosti, prebicanjem, kliringom, asignacijom i na drugi način, u skladu sa zakonima kojima se uređuje ova oblast.
- (3) Izuzetno od odredbe stavka 2 ovog članka, pravna osoba ne može izmirivati međusobne obaveze prebicanjem, niti na druge načine predviđene propisima o obligacionim odnosima, sve dok ima evidentirane a neizmirene dospjele obaveze po osnovu prinudne naplate i drugih instrumenata osiguranja plaćanja.
- (4) U slučaju da pravna osoba ne plaća obaveze po osnovu poreza i doprinosa, poreski organ će izdati nalog za prinudnu naplatu ovlaštenoj organizaciji, putem prenosa sredstava sa računa pravne osobe na odgovarajući račun poreza i doprinosa.
- (5) Ako se na način iz stavka 4 ovog članka ne može u potpunosti izmiriti obaveza, poresko tijelo će donijeti rješenje o prinudnoj naplati iz cjelokupne imovine pravne osobe, odnosno drugog obveznika.

- (6) Troškove koji nastanu po osnovu stavka 5 ovog članka snosi pravna osoba, odnosno drugi poreski obveznik.

### **Članak 7**

U smislu ovog zakona, pravna osoba je nesolventno ako na računu kod ovlaštene organizacije nema dovoljno sredstava za isplatu svih naloga, odnosno osnova za naplatu na dan dospijeća.

### **Članak 8**

- (1) Ako je pravna osoba nesolventno, izvršenje naloga za plaćanje i osnova za naplatu obavlja se po sljedećim prioritetima:
1. nalozi za plaćanje i osnovi za naplatu carina i carinskih dadžbina, posebnih poreza - akciza, poreza na promet proizvoda i usluga i drugih poreza, po posebnim propisima;
  2. nalozi za plaćanje i osnovi za naplatu doprinosa iz plata i na plate;
  3. nalozi za plaćanje i osnovi za naplatu ostalih javnih prihoda, po posebnim propisima;
  4. nalozi za plaćanje i osnovi za naplatu po drugim izvršnim odlukama organa uprave i sudskih organa;
  5. nalozi za naplatu po osnovu instrumenata osiguranja plaćanja;
  6. ostali nalozi za plaćanje.
- (2) Redoslijed izvršenja naloga za plaćanje i osnova za naplatu, unutar prioriteta iz stavka 1 ovog članka, utvrđuje ovlaštena organizacija na osnovu redoslijeda prijema, a na osnovu prioriteta utvrđenih u stavku 1 ovog članka.
- (3) Nalozi za plaćanje i osnovi za naplatu iz sljedećeg reda prioriteta mogu se izvršavati tek po izvršenju svih naloga za plaćanje i osnova za naplatu iz prethodnog reda prioriteta, uključujući i naloge za plaćanje i osnove za naplatu koji su primljeni u međuvremenu.
- (4) Odredbe ovog članka odnose se i na imaoca računa-preduzetnike i fizička osoba, obveznike javnih prihoda u skladu sa propisima, čiji se računi vode kod ovlaštenih organizacija.

### **Članak 9**

Ovlaštena organizacija dužna je da vodi evidenciju o redoslijedu prijema osnova za naplatu i naloga za plaćanje istog prvenstva prema danu i satu njihovog prijema i da ih po tom redoslijedu izvršava. Ovlaštena organizacija obavještava povjeritelja, na njegov zahtjev, o redoslijedu naplate njegovog potraživanja.

### **Članak 10**

Ovlaštena organizacija će jednom mjesečno, a najkasnije do 15-og u mjesecu za protekli mjesec, u svim svojim organizacionim jedinicama javno objaviti i dostaviti „Službenom glasniku Brčko Distrikta Bosne i Hercegovine,, za objavljivanje podatke o nazivu, sjedištu - prebivalištu, adresi i broju računa nesolventnih pravnih i fizičkih osoba - imatelja računa koji su sa stanjem poslednjeg dana proteklog mjeseca:

1. nesolventni 30 i više dana neprekidno;
2. nesolventni 90 i više dana neprekidno;
3. nesolventni 15 i više dana u toku prethodnog mjeseca, sa prekidima.

### **Članak 11**

- (1) Povjeritelj može ugovoriti da mu dužnik preda mjenicu, ček, bankarsku garanciju ili da plaćanje obezbjedi na drugi način u skladu sa zakonom.
- (2) Mjesto, vrijeme i način predaje instrumenata osiguranja plaćanja iz stavka 1 ovog članka utvrđuje se sporazumno.

### **Članak 12**

Nadzor nad provođenjem odredbi ovog zakona vrši Poreska uprava Brčko Distrikta Bosne i Hercegovine (u daljem tekstu: „Poreska uprava,,).

## **IV KAZNE NE ODREDBE**

### **Članak 13**

- (1) Novčanom kaznom od 1.000 do 5.000 KM kazniće se za prekršaj pravna osoba ako izmiruje obaveze na način suprotan odredbama članka 6, stavak 3 ovog zakona.
- (2) Za radnje iz stavka 1 ovog članka kazniće se za prekršaj i odgovorno osoba u pravnom licu novčanom kaznom od 500 do 2.000 KM.

### **Članak 14**

- (1) Novčanom kaznom od 1.000 do 10.000 KM kazniće se za prekršaj ovlaštena organizacija:
  1. ako plaćanje ne izvršava po redosljedu propisanom ovim zakonom (član 8);
  2. ako povjeritelja, kada on to zatraži, ne obavijesti o redosljedu naplate njegovog potraživanja (član 9);
  3. ako na propisani način ne objavi podatke o nesolventnim imaocima računa (član 10).
- (2) Za radnje iz stavka 1 ovog članka kazniće se za prekršaj i odgovorno osoba u ovlaštenoj organizaciji novčanom kaznom od 200 do 1.000 KM.

## **V PRELAZNE I ZAVRŠNE ODREDBE**

### **Članak 15**

Do uspostavljanja Poreske uprave, nadzor iz članka 13 ovoga zakona vršiće Uprava prihoda Brčko Distrikta Bosne i Hercegovine.

## **Članak 16**

Stupanjem na snagu ovog zakona, na području Distrikta prestaju da važe svi propisi koji su regulirali oblast reguliranu ovim zakonom.

## **Članak 17**

Ovaj zakon stupa na snagu osmog dana od dana objavljivanja u „Službenom glasniku Brčko Distrikta Bosne i Hercegovine,,.

Broj:0-02-022-233/01

Brčko,30.travanj 2001. god.

**PREDSJEDNIK  
SKUPŠTINE BRČKO DISTRIKTA**

**Mirsad Đapo, dipl.pravnik v.r.**

---

This document was created with Win2PDF available at <http://www.daneprairie.com>.  
The unregistered version of Win2PDF is for evaluation or non-commercial use only.